



(C - 64)  
ગુરુ-સ્તુતિ

(રાગ-ભરતરી દોહા)

તે ગુરુ મેરે મન બસો, જે ભવજલધિ જિહાજ;  
આપ તિરહિં પર તારહીં એસે શ્રી ઋષિરાજ. તે ગુરુ ૧.  
મોહમહારિપુ જાનિકેં, છાંડ્યો સબ ઘરબાર;  
હોય દિગંબર વન બસે, આતમ શુદ્ધ વિચાર. તે ગુરુ ૨.  
રોગ-ઉરગ-વિલ વપુ ગિણ્યો, ભોગ ભુજંગ સમાન;  
કદલીતરુ સંસાર હે, ત્યાગ્યો સબ યહ જાન તે ગુરુ ૩.  
રતનત્રયનિધિ ઉર ધરેં, અરુ નિરગ્રંથ ત્રિકાલ;  
માર્યો કામખવીસકો, સ્વામી પરમદયાલ. તે ગુરુ ૪.  
પંચમહાવ્રત આદરે, પાંચો સમિતિ સમેત;  
તીન ગુપતિ પાલેં સદા, અજર અમર પદહેત. તે ગુરુ ૫.  
ધર્મ ધરેં દશલાઇની, ભાવેં ભાવના સાર;  
સહેં પરીષહ બીસ દ્વે, ચારિત-રતન ભંડાર. તે ગુરુ ૬.  
જેઠ તપે રવિ આકરો, સૂખે સરવર નીર;  
શૈલ-શિખર મુનિ તપ તપેં દારેં નગન શરીર. તે ગુરુ ૭

પાવસ રૈન ડરાવની, બરસૈ જલધરધાર;  
તરુતલ નિવસૈં તબ યતી, બાજૈ ઝંઝા વ્યાર. તે ગુરુ૦ ૮  
શીત પડે કપિ મદ ગલૈ, દાહૈ સબ વનરાય;  
તાલતરંગનિ કે તટૈ, ઠાડે ધ્યાન લગાય. તે ગુરુ૦ ૯  
ઈહિ વિધિ દુર્ઘર તપ તપૈ, તીનોં કાળ મંઝાર;  
લાગે સહજ સરૂપમૈં તનસોં મમત નિવાર. તે ગુરુ૦ ૧૦  
પૂરવ ભોગ ન ચિંતવૈં, આગમ બાંછૈં નાહિ;  
ચહું ગતિકે દુખસોં ડરૈં, સુરતિ લગી શિવમાંહિં. તે ગુરુ૦ ૧૧  
રંગમહલમે પૌઢતે, કોમલ સેજ બિછાય;  
તે પચ્છિમ નિશિ ભૂમિમેં, સોવેં સંવરિ કાય. તે ગુરુ૦ ૧૨  
ગજ ચઢિ ચલતે ગરવસોં, સેના સજિ ચતુરંગ;  
નિરબિ નિરબિ પગ વે ધરૈં, પાલૈં કરુણા અંગ તે ગુરુ૦ ૧૩  
વે ગુરુ ચરણ જહાં ધરૈં, જગમેં તીરથ જેહ;  
સો રજ મમ મસ્તક ચઢો, ભૂધર માંગે એહ. તે ગુરુ૦ ૧૪